

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

Коми Республикаса ВеськӖдлан котырлӖн ӧткымын шуӧмӧ вежсьӧмъяс пыртӧм йылысь

Коми Республикаса ВеськӖдлан котыр шуис:

1. Пыртны Коми Республикаса ВеськӖдлан котырлӖн ӧткымын шуӧмӧ вежсьӧмъяс содтӧд серти.
2. Тайӧ шуӧмыс вынсялӧ сійӧс официальнӧя йӧзӧдан лун бӧрын дас лун кольӧм мысти.

Коми Республикаса ВеськӖдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2024 вося кӧч тӧлысь 16 лунся
380 №-а

Коми Республикаса Веськӧдлан котырлӧн
2024 во кӧч тӧлысь 16 лунся 380 №-а шуӧм дорӧ
СОДТӐД

Коми Республикаса Веськӧдлан котырлӧн ӧткымын шуӧмӧ пыртӧм
ВЕЖСЬӖМЪЯС

1. «Коми Республикаса удж, уджӧн могмӧдан да социальнӧя доръян министерство йылысь» Коми Республикаса Веськӧдлан котырлӧн 2015 во ӧшым тӧлысь 11 лунся 519 №-а шуӧмын:

1. Коми Республикаса удж, уджӧн могмӧдан да социальнӧя доръян министерство йылысь положениеын, мый вынсьӧдӧма шуӧмӧн (1 №-а содтӧд):

1) 11 пунктлӧн 11⁴ пунктулын:

а) 40 пунктулын «канму уджмогъяссӧ збыльмӧдӧм бӧрся.» кывъяс вежны «канму уджмогъяссӧ збыльмӧдӧм бӧрся;» кывъясӧн;

б) содтыны татшӧм сюрӧса 41 пунктув:

«41) неминуча вӧсна пикӧ воӧм гражданагы Коми Республикаса Веськӧдлан котырлӧн помшуӧм серти материальнӧй ӧтсӧг сетӧмсӧ котыртӧм.»;

2) 12 пункт гижны тадзи:

«12. Тайӧ Положениелӧн II юкӧдын индӧм могъяс збыльмӧдӧм вылӧ Министерство сетӧ татшӧм канму услугаяс:

1) нуӧдӧ уджалан условиеяс серти канму экспертиза;

2) юӧртӧмӧн пасйӧ удж серти коллективнӧй вензьӧмъяс, ӧтсалӧ найӧс ладмӧдны;

3) юӧртӧмӧн пасйӧ коллективнӧй сӣрнитчӧмъяс, артмӧдчӧмъяс;

4) сетӧ «Уджвывса ветеран» ним да «Ветеранлӧн эскӧданпас» эскӧданпас (эскӧданпаслысь дубликат);

5) сетӧ Айму вӧсна Ыджыд тышса вермытӧмлысь, кокньӧдъяс вылӧ инӧд йылысь вермытӧмлысь, тышса пӧгибнитӧм (кувсьӧм) вермытӧмлӧн, Айму вӧсна Ыджыд тышын участвуйтысьлӧн, боевӧй тышъясса ветеранлӧн семьяӧ пырысьлысь, концлагерьясса, геттоясса да мырдӧн кутан мукӧд местаса, кутшӧмъясӧс фашистыяс да налӧн союзникъяс лӧсьӧдисны Мӧд мирӧвӧй война кадӧ, вӧвлӧм тыр арлыдтӧм узниклысь, Айму вӧсна Ыджыд тышса ветеранлысь эскӧданпасъяс;

б) сетӧ Чернобыльса АЭС-ын катастрофа бӧрын, Семипалатинскса полигон вылын ядернӧй испытаниеяс бӧрын, 1957 воын «Маяк» производственнӧй ӧтулын авария да Теча юӧ радиоактивнӧй колясъяс лӧдзӧм бӧрын радиация улӧ веськавлӧм гражданагы эскӧданпасъяс;

7) сетӧ Коми Республика мутасын олан жыр стрӧитӧм либӧ ньӧбӧм вылӧ Айму вӧсна Ыджыд тышса ветеранъяслы ӧтчидысь сьӧм мынтӧмъяс;

8) донъялө социальнӧй нырвизя абу коммерческойӧй организацияӧн йӧзлы колана услугаяс сетан ногтуйсӧ;

9) босьтӧ учётӧ торъя категорияа гражданаӧс Коми Республикаса канму оланін фондлӧн олан жыръясын, кутшӧмъясӧс сетӧны социальнӧя медалан сёрнитчӧмъяс серти, нуждайтчысьясӧн.».

2. Коми Республикаса канму учреждениеяслӧн лыддьӧгын

Коми Республикаса канму учреждениеяслӧн лыддьӧгын, кутшӧмъясӧс учредитысьлысь могъяссӧ да уджмогъяссӧ збыльмӧдӧ Коми Республикаса удж, уджӧн могмӧдан да социальнӧя доръян министерство (4 №-а содтӧд):

59 пункт киритны.

2. «Коми Республикаса олӧмӧ пӧртысь власьт органъяслӧн да Коми Республикаса канму учреждениеяслӧн, кодъяс серти Коми Республикаса олӧмӧ пӧртысь власьт органъяс збыльмӧдӧны учредитысьлысь могъяссӧ да уджмогъяссӧ, канму услугаяслысь, а сідзжӧ канму услугаяслысь лыддьӧг вынсьӧдӧм йылысь, кутшӧмъясӧс Коми Республикаын меставывса асвескӧдлан органъяс сетӧмаӧсь Коми Республикаса оланпасьясӧн сетӧм торъя канму уджмогъяс збыльмӧдігӧн, кутшӧмъясӧс сетӧны «ӧти ӧшиньӧ шыӧдчӧм» принцип серти, сы лыдын Коми Республика мутасын канму да муниципальнӧй услугаяс сетан уна мога шӧриньясын» Коми Республикаса Вескӧдлан котырлӧн 2013 во урасьӧм тӧлысь 28 лунся 54 №-а шуӧмын:

Коми Республикаса олӧмӧ пӧртысь власьт органъяслӧн да Коми Республикаса канму учреждениеяслӧн, кодъяс серти Коми Республикаса олӧмӧ пӧртысь власьт органъяс збыльмӧдӧны учредитысьлысь могъяссӧ да уджмогъяссӧ, а сідзжӧ канму услугаяслӧн лыддьӧгын, кутшӧмъясӧс Коми Республикаын меставывса асвескӧдлан органъяс сетӧны Коми Республикаса оланпасьясӧн сетӧм торъя канму уджмогъяс збыльмӧдігӧн, кутшӧмъясӧс сетӧны «ӧти ӧшиньӧ шыӧдчӧм» принцип серти, сы лыдын Коми Республика мутасын канму да муниципальнӧй услугаяс сетан уна мога шӧриньясын:

«Коми Республикаса удж, уджӧн могмӧдан да социальнӧя доръян министерство» юкӧдын:

1) 32, 34, 52-59, 61 пунктъяс киритны;

2) содтыны татшӧм сюрӧса 117, 118 пунктъяс:

«117. Айму вӧсна Ыджыд тышса вермытӧмлысь, кокньӧдъяс вылӧ инӧд йылысь вермытӧмлысь, тышса пӧгибнитӧм (кувсьӧм) вермытӧмлӧн, Айму вӧсна Ыджыд тышын участвуйтысьлӧн, боевӧй тышъясса ветеранлӧн семьяӧ пырысьлысь, концлагерьясса, геттоясса да мырдӧн кутан мукӧд местаса, кутшӧмъясӧс фашистъяс да налӧн союзникъяс лӧсьӧдісны Мӧд мирӧвӧй война кадӧ, вӧвлӧм тыр арлыдтӧм узниклысь, Айму вӧсна Ыджыд тышса ветеранлысь эскӧданпасьяс сетӧм;

118. Чернобыльса АЭС-ын катастрофа бӧрын, Семипалатинскса полигон вылын ядернӧй испытаниеяс бӧрын, 1957 воын «Маяк» производственнӧй ӧтулын авария да Теча юӧ радиоактивнӧй колясьяс

лэдзём бёрын радиация улё веськавлём гражданалы эскёданпасьяс
сетём.».